

Uunga siunnersuutit:

Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Nuna tamakkerlugu ilitsersuisarnermi iliuusissanik periusissiornerup ilanngunneqarnera aamma naammassinninnissamut ikaarsaariarnissamullu siunnersuinermt piumasaqaatip ikkunneqarnera)

§ 1

Kalaallit Nunaanni ilinniartitaanermut inuussutissarsiutinillu siunnersuisarneq pillugu Inatsisartut inatsisaanni nr. 4, 29. november 2013-imeersumi, Inatsisartut inatsisaatigut nr. 12, 27. november 2018-imeersukkut allanngortinneqartumi, imatut allannguisoqarpoq:

1. § 3-mi nr. 9-p kingorna normutut nutaatut ilanngunneqassaaq:

”10) nuna tamakkerlugu ilitsersuinissamut periusissiornerup ingerlaavartumik nutarterneqartarnissaa.”.

2. § 10 imatut oqaasertalerneqassaaq:

" § 10. Ilinniarfiit ilinniagaqarniarlutik qinnuteqartunut ilinniakkamik

naammassinninnissamut ikaarsaariarnermilu ilitsersuisarnissamut akisussaapput.

Ilinniakkanut pineqartunut malittarisassat atuuttut malillugit ilitsersuineq ingerlanneqassaaq, taamaattorli tak. imm. 2-4.

Imm. 2. Ilinniarfiit naammassinninnissamut ilitsersuinerat ilinniagaqartup ilisimasaanik, pikkorissusianik ilinniakkamilu piginnaasaanik ikorfartuillunilu ineriartortitsissaaq. Tassunga ilaapput inummut inooqataanermullu pissutsit, ilinniartitaanermi atuartitsissutinik qaffasissutsinillu toqqaaneq, takkutinngitsoorneq, kajumissuseq, karakterit, soraarummeernermi periuseq, soraarummeernissamut annilaanganeq, ilinniariaaseq, sulinermi ileqqut, suleqatigiissinnaassuseq aamma ilinniakkami atuaqatigiinnilu atugarissaarneq pillugu ilitsersuineq. Naammassinninnaanermut ilitsersuineq siusissukkut pitsaaliuilluni suliniitutit tunniunneqassaaq ilinniagaqartup ilinniarnep annertuumik artukkiisutut misigisaqanginnissaa atuartitsinermullu naleqqiullugu katataannginnissaa qulakkeerniarlugu.

Imm. 3. Ilinniarfiit ikaarsaariarnermi ilitsersuinerisa qulakkiissavaat ilinniartut ilisimatinneqarneq, eqqarsarfiusumik piviusorsiorlumillu tunngaveqarlutik ilinniakkamik, inuussutissarsiummi aamma atorfimmi ingerlavissamik toqqaasinnaallutik. Tassunga ilaapput piginnaasat soqutigisallu paasisaqarfigineri, ilinniakkap imarisaanut, piumasaqaataanut, naatsorsuutigisanut, ingerlaqqinnissamut periarfissanut, ilinniartitsinermut, kulturimut avatangiisinut suliffeqarfinnillu ilisimasaqalernissap qulakkeerneqarnera.

Imm. 4. Naalackersuisunit akuerisaasumik ilinniartitsinermik inuussutissarsiutinillu siunnersuisarnermik ilinniagaqarsimasunit imaluunniit tassunga assingusumik ilitsersuisinnaanermik piginnaasaqarnermik uppernarsaasinnaasunit inunnit naammassinninnissamut ikaarsaariarnermilu ilitsersuineq ingerlanneqassaaq. Naalackersuisut

tamanna pillugu ilinniartinniit qinnuteqartoqareernerata kingorna ilitsersuisarnerup inummit siunnersuisarnermi allaanerusunik piginnaasaqartumit utaqqiisaasumik ingerlanneqarnissaa akuerisinnaavaat, ilitsersuisartoq pineqartoq Naalackersuisunit akuerisaasumik ilinniartitsinermik siunnersuisarnermillu ilinniarnermik ingerlataqarpat ilinniarnissamilluunniit pilersaaruteqarpat.”

3. § 13 ima oqaasertaqassaaq:

" **§ 13.** Ilitsersuinikkut suliniutinik aqutsinermut aamma ilinniartitaanermut suliffeqarnermullu tunngatillugu anguniakkanut naleqqiullugu suliniutit siunnerfilernissaannut atugassanik nuna tamakkerlugu paasissutissanut tunngavinnik pilersitsinissaq siunertaralugu ataasiakkaanut ilitsersuinerni suliniutitik pillugit aamma innuttaasut ilinniartitaanikkut suliffeqarnikkullu killiffii pillugit paasissutissat kommunalbestyrelsinit ilinniartinniillu nalunaarsorneqarlutillu Naalackersuisunit nalunaarutigisassavaat.

Imm. 2. Imm. 1-imi siunertarisatut taaneqartut innersuussutigalugit, kommunalbestyrelsit, ilinniartit, meeqqat atuarfii namminersortut, efterskolit folkehøjskolellu ilinniartit ilitsersuisoqarnikkut suliai pillugit paasissutissanik nalunaaruteqaqqullugit Naalackersuisut peqqusisinnaapput.

Imm. 3. Imm. 1 aamma 2 naapertorlugit nalunaarsuisarnerq paasissutissanillu nalunaaruteqartarnerq pillugit Naalackersuisut malittarisassanik aalajangersaasinnaapput, tassunga ilanngullugu paasissutissat elektroniskimik nalunaarsorsimanissaannik nalunaarutigineqarnissaannillu piumasaqarsinnaaneq pillugu."

§ 2

Inatsisartut inatsisaat ulloq 1. januar 2022-mi atuutilissaaq.

Imm. 2. Inatsisartut inatsisaanni § 1, nr. 2-mi § 10, imm. 4, 1. januar 2022 sioqqullugu ilitsersuisarnermik suliaqartutut taaneqartuni inunnut atorfeqartunut atorneqassanngilaq.

Namminersorlutik Oqartussat, ulloq xx. xxx 2021

Naalackersuisut Siulittaasuat